

EVROPSKA INVESTICIONA BANKA – Izjava o zaštiti podataka –

EIB-ova anketa o ulaganjima (EIBIS)

1. Uvod

Evropska investiciona banka (dalje u tekstu: EIB) obavezala se na zaštitu ličnih podataka. EIB prikuplja i dalje obrađuje lične podatke u skladu s Uredbom (EU) 2018/1725 od 23. oktobra 2018. o zaštiti pojedinaca u vezi s obradom ličnih podataka u institucijama, tijelima i agencijama Unije i o slobodnom kretanju takvih podataka te o stavljanju van snage Uredbe (EZ) br. 45/2001 i Odluke br. 1247/2002/EZ (dalje u tekstu: Uredba (EU) 2018/1725).

U ovoj izjavi o zaštiti ličnih podataka objašnjavaju se razlozi za obradu ličnih podataka te način njihovog prikupljanja, postupanja s njima i obezbjeđivanja zaštite svih ličnih podataka. Osim toga, u ovoj izjavi dodatno se opisuju načini na koje se ti podaci koriste, te prava pojedinaca u vezi s njihovim ličnim podacima.

U nastavku se iznose informacije o postupku obrade koji za potrebe ankete o ulaganjima (EIBIS-a) provodi EIB.

2. Kontrola podataka

Kontrola podataka je Odel za ekonomiju Glavnog sekretarijata („SG/ECON”) Evropske investicione banke („EIB”).

3. Svrha obrade

Ova izjava o zaštiti podataka sadrži informacije o obradi ličnih podataka koju EIB obavlja tokom sprovođenja ankete o ulaganjima. EIB te zadatke izvršava na osnovu ovlašćenja koja su mu data u skladu s odredbama Ugovorâ EU-a i svog [Statuta](#).

EIB lične podatke obrađuje u svrhu sprovođenja ankete o ulaganjima, na razuman i primjeren način te u skladu s mjerodavnim zakonima i propisima. Lični podaci se obrađuju u skladu s Uredbom (EU) 2018/1725.

U okviru ankete o ulaganjima EIB obrađuje lične podatke u svrhu sprovođenja svoje ankete o ulaganjima, koja se među preduzećima s prostora EU, Zapadnog Balkana (Albanije, Bosne i Hercegovine, Crne Gore, Kosova, Sjeverne Makedonije i Srbije) i SAD-a sprovodi radi sticanja uvida u aktivnosti ulaganja, uslove finansiranja te izazove poput klimatskih promjena i digitalne transformacije. Anketa služi kao podloga za rasprave o politikama, te pomaže u oblikovanju politika na nacionalnoj osnovi i osnovi EU-a. Lični podaci se takođe obrađuju u svrhe povezanih komponenti ankete, uključujući modul posvećen lancima snabdijevanja. Javno dostupne informacije o preduzećima mogu se priložiti podacima iz ankete u analitičke svrhe, pri čemu se vodi briga o tome da se ne objavljuju nikakvi rezultati na nivou pojedinog preduzeća ili javnog subjekta.

Istraživanje će poslužiti kao osnova za dijalog o politikama o pokretačima i preprekama za ulaganja i za promovisanje kreiranja politika koje će omogućiti bolju podršku preduzećima i lokalnim vlastima na nacionalnom i nivou EU.

Ako je ispitanik odgovorio na bilo koji od prethodnih krugova ankete, učešćem u novom krugu, pristaje da se njegovi odgovori iz svakog kruga povežu. Ovo neće uključivati lične kontakt informacije.

Učešćem u anketi, ispitanik daje saglasnost da se u podatke ankete uključe i dodatne javno dostupne informacije o njegovoj kompaniji, organizaciji ili javnom telu. Ove dodatne informacije će biti preuzete iz Moody'sove baze podataka Orbis, od Dun and Bradstreet-a, Bloomberg-a, agencija za kreditni rejting i OECD-a, iz Sporazuma gradonačelnika EU, od Eurostata i Evropske komisije, iz svjetske statističke baze podataka o patentima PATSTAT, s javno dostupnih web stranica koje sadrže

informacije o kompanijama ili javnim tijelima i od drugih komercijalnih pružalaca javno dostupnih informacija.

Ti će se podaci koristiti na grupnom nivou ili u analitičke svrhe (kao što su procjene ili korelacijske analize), a rezultati na nivou pojedinog preduzeća, organizacije ili javnog tijela neće se objavljivati.

Obrada ličnih podataka u okviru Ankete Grupe EIB-a o ulaganjima ne uključuje postojanje automatizovanog donošenja odluka, pa tako ni izradu profila.

4. Pravna osnova za obradu

Pravnu osnovu za obradu ličnih podataka u okviru EIB-ove ankete o ulaganjima čine: dozvola ispitanika i javni interes.

5. Kategorije ispitanika

Obrada podataka iz tačke 3. odnosi se / može se odnositi na sljedeće kategorije ispitanika: klijente EIB-a i osobe za kontakt iz (nefinansijskih) preduzeća i javnih institucija.

6. Koje lične podatke obrađuje EIB?

EIB obrađuje sljedeće kategorije ličnih podataka: ime i prezime, podatke za kontakt, titulu i naziv struke.

Kompanija Ipsos, naš pružalac usluge, obrađuje sljedeće kategorije ličnih podataka: ime i prezime, podatke za kontakt, titulu, naziv radnog mjesta, zvučne zapise i IP adresu.

7. Gdje EIB pribavlja lične podatke?

Lični podaci pribavljaju se:

- direktno od ispitanika;
- iz baza podataka koje sadrže kontaktne informacije o preduzeću ili javnom tijelu koje ispitanik predstavlja;
- s LinkedIna.

8. Kome se lični podaci otkrivaju?

Lične podatke EIB može otkrivati sljedećim primaocima:

- Ipsosu, svojem pružaocu usluge, koji može sarađivati s agencijama za istraživanje tržišta radi sprovođenja ankete putem telefona u svim dijelovima svijeta.
- U slučaju da ispitanik pristane na to da mu se pošalju rezultati ankete, njegovi lični podaci mogu se dostaviti agenciji za komunikacije EIB-a koja ih u njegovo ime obrađuje uz pridržavanje strogih pravila povjerljivosti i bezbjednosti.
- Svi partneri čije se usluge koriste tokom prikupljanja podataka biće odobreni i postupati u skladu Opštom uredbom o zaštiti podataka.

9. Međunarodni prenos

Prenosi podataka se odvijaju ka Ujedinjenom Kraljevstvu, gdje se nalazi naš pružalac usluge, u skladu s uslovima propisanim [standardnim ugovornim klauzulama o međunarodnim prijenosima](#) koje je odobrila Evropska komisija.

10. Koliko dugo EIB čuva lične podatke?

Lični podaci čuvaju se onoliko dugo koliko je to potrebno u svrhe opisane u ovoj izjavi o zaštiti podataka. Period čuvanja određuje se prema sljedećim kriterijumima:

- Okviri uzorka dobijeni iz navedenih baza podataka ili s javno dostupnih web stranica, a kako je prethodno navedeno, mogu se koristiti/doraditi kao okvir uzorka za potrebe budućih krugova istraživanja.
- Datoteke koje je pružalac usluge poslao EIB-u i/ili njegovoj agenciji za komunikacije za potrebe e-poruka sa zahvalnicom za učešće u svrhu slanja objavljenog izvještaja o istraživanju i dijeliti samo unutar EIB-a ili s komunikacijskim partnerom radi ispunjenja navedene svrhe.
- Na Ipsos, kao pružaoca usluge, primjenjuje se tačno određen period čuvanja: lični podaci ispitanika prikupljeni za potrebe ovog kruga istraživanja biće na siguran način uklonjeni najkasnije godinu dana nakon sprovođenja, osim ako je ispitanik Ipsosu ili nekoj drugoj kompaniji za istraživanje dao pristanak da mu se ponovno javi za potrebe novog kruga.

11. Koja su prava ispitanika i kako ih mogu ostvariti?

Prava ispitanika navedena su u odjeljcima 3 do 5 Uredbe (EU) 2018/1725..

- Ispitanik ima pravo da od kontrole obrade dobije potvrdu o tome obrađuju li se njegovi lični podaci ili ne, a ako se obrađuju, da pristupi svojim ličnim podacima obraćanjem kontroli obrade ili posredstvom EIB-ova službenika za zaštitu podataka (**pravo na pristup**).
- Ispitanik ima pravo da od kontrole obrade zatraži ispravku svakog netačnog podatka i/ili dopunu nepotpunih ličnih podataka (**pravo na ispravku**).
- Ispitanik ima pravo da od kontrole obrade zatraži brisanje svojih ličnih podataka u skladu s članom 19. Uredbe (EU) 2018/1725 (**pravo na zaborav**).
- Ispitanik ima pravo da od kontrole obrade zatraži ograničenje obrade svojih ličnih podataka u sljedećim slučajevima (**pravo na ograničenje obrade**):
 - i. ako osporava tačnost svojih podataka;
 - ii. ako je obrada podataka nezakonita, a on se protivi njihovom brisanju;
 - iii. ako kontrola obrade više ne treba navedene lične podatke za potrebe obrade, ali ih dotični ispitanik treba radi postavljanja, ostvarivanja ili odbrane pravnih zahtjeva; ili
 - iv. ako je ispitanik podnio prigovor na obradu svojih podataka, a EIB želi utvrditi ima li kontrola obrade legitimne razloge koji imaju prednost pred pravom ispitanika na ograničenje obrade.
- Na osnovu svoje posebne situacije ispitanik ima pravo podnijeti **prigovor** na obradu ličnih podataka, osim ako EIB dokaže da postoje uvjerljivi legitimni razlozi za obradu ili za postavljanje, ostvarivanje ili obranu pravnih zahtjeva;
- Ispitanik ima pravo primiti svoje lične podatke od EIB-a u u strukturisanom, uobičajeno korištenom i mašinski čitljivom formatu kako bi se mogli prenijeti drugom kontroloru podataka bez miješanja EIB-a (**pravo na prenosivost podataka**);
- Ako je pravna osnova za obradu pristanak, ispitanik ima pravo da povuče taj pristanak u bilo kojem trenutku. Povlačenje pristanka ne utiče na zakonitost obrade zasnovane na pristanku prije njegovog povlačenja.
- Ispitanici imaju pravo podnijeti pritužbu Evropskom nadzorniku za zaštitu podataka (www.edps.europa.eu) u bilo kojem trenutku (**pravo na podnošenje pritužbe**).

12. Kako se obratiti za pomoć?

Ako ispitanik ima ikakvih pitanja o tome kako obrađujemo njegove lične podatke ili želi ostvariti neko od prethodno navedenih prava, neka nam se svakako obrati e-poštom na eibis@eib.org ili se javi Pelopidasu Donosu, EIB-ovom službeniku za zaštitu podataka, e-poštom na p.donos@eib.org ili na sljedeću adresu:

Mr. Pelopidas Donos

European Investment Bank

98-100 Boulevard Konrad Adenauer

L-2950 Luxembourg (Grand Duchy of Luxembourg)